



UNIVERSITÄTS-
BIBLIOTHEK
PADERBORN

Liber Officialis Seu Agendorum Pastoralium S. Trevirensis Ecclesiae

Johann Hugo <Trier, Erzbischof>

Mogvntiae, 1688

Absolutio ab excommunicatione in foro externo.

[urn:nbn:de:hbz:466:1-75322](https://nbn-resolving.org/urn:nbn:de:hbz:466:1-75322)

Ego te absolvo à peccatis tuis in nomine Patris, &c.

DE ABSOLUTIONE AB EXCOMMUNICACIONE in foro exteriori, quæ aliquando Parocho, utpote eam non habenti, ab Ordinario committitur.

Primò Excommunicatus ei, ob cujus offensam in excommunicationem incurrit, prius, si potest, satisfaciat; quod si tunc non possit, sufficientem cautionem præbeat, aut saltem, si eam præstare non potest, stipulatâ manu adpromittat, se cum primùm poterit, satisfacturum.

Secundò, si crimen, ob quod in excommunicationem incidit, sit grave, iuramentum ab eo exigatur de parendo mandatis Ecclesiæ, quæ illi fient pro tali causa: ac præcisè, ne deinceps delinquat contra illum canonem, vel decretum, contra quod faciendo censuram incurrit.

Denique hunc absolvendi modum observabit.

Pœnitentem coram se utroque genu flexo, in humero (si vir fuerit) usque ad camisiam exclusivè denudato, virgâ aut funiculis cædens, leviter percutit dicendo totum psalmum: Misere mei Deus. &c.

Deindè surgit, & aperto capite dicit:

Kyrie eleison. **C**hriste eleison. **K**yrie eleison.

Pater noster &c.

V. Et ne nos &c. **R.** Sed libera &c.

V. Salvum fac servum tuum Domine.

R. Deus meus sperantem in te.

V. Nihil proficiat inimicus in eo.

R. Et filius iniquitatis non nocebit ei.

V. Esto ei Domine turris fortitudinis.

R. A facie inimici.

V. Domine exaudi &c. **R.** Dominus vobiscum &c.

H

Ore.

Oremus.

Deus, cui proprium est misereri semper, & parere; suscipe deprecationem nostram, ut hunc famulum tuum, quem excommunicationis sententia constringit, miseratio tuæ pietatis clementer absolvat. Per Christum Dominum nostrum. Amen.

Mox sedet Confessarius, & cooperto capite dicit:

Dominus noster Jesus Christus te absolvat, & ego auctoritate ipsius, & Sanctissimi Domini nostri Papæ (vel Reverendissimi Archi-Episcopi) mihi commissâ, absolvo te à vinculo excommunicationis, in quam incurristi, vel incurrisse declaratus es propter tale factum, & causam (hic exprimaturs illud, vel illa) & restituo te communioni & unitati fidelium & Sanctis Sacramentis Ecclesiæ. In nomine Patris **✠**, & Filii, & Spiritûs Sancti.

In foro autem interiori Confessarius habens facultatem absolvendi excommunicatum, absolvat juxta formam communem suprâ præscriptam in absolutione Sacramentali.

MODUS ABSOLVENDI A SUSPENSIONE vel interdicto in-vel extra Confessione Sacramentalem.

SI Sacerdoti sit commissa facultas absolvendi aliquem à Suspensione, vel interdicto, quamvis nulla verba sint determinata, uti poterit hac formulâ. Poenitens dicat: **Confiteor, Sacerdos, Misereatur &c. Indulgentiam &c.**

Autho-

Authoritate mihi ab **N.** traditâ Ego absolvo te à vinculo suspensionis, vel interdicti, quam, vel quod propter tale factum, vel causam **N.** incurristi seu incurrisse declaratus es. In nomine Patris
 ✠ &c.

Advertat autem Sacerdos, ne ullo modo in iis facultatis suæ terminos excedat.

DE EUCHARISTIÆ SACRAMENTO.

Parochus summum studium in eo ponat, ut cum ipse Venerabile hoc Sacramentum, quâ decet reverentiâ, debitoque cultu tractet, custodiat, & administret; tum etiam populus sibi commissus religiosè colat, sanctè frequenterque suscipiat, præsertim in majoribus anni solennitatibus. Ideò populum sæpè admonebit, qua præparatione & qua animi pietate, & humili etiam corporis habitu ad tam divinum Sacramentum debeat accedere; ut præmissâ Sacramentali confessione omnes saltem à media nocte jejuni, & utroque genu flexo Sacramentum humiliter adorent, atque ita reverenter suscipiant.

Moneantur præterea communicantes, ut sumpto Sacramento non statim ab Ecclesia discedant, aut colloquantur, nec statim vagis oculis circumspiciant, aut exspuant, sed aliquantisper in oratione permaneant gratias Deo agentes de tam singulari beneficio.

Curare porrò debet, ut perpetuò aliquæ particulæ consecratæ eo numero, qui usui infirmorum, & aliorum fidelium communioni satis esse possit, conserventur in pyxide ex solida, decentique materia, eaque munda & operculo suo benè clausa, albo velo coopertâ, & quantum res feret in ornato Tabernaculo clave obserato, ad quod lampas die noctuque colluceat; curabitque Parochus, ut omnia ad ipsius Sacramenti cultum ordinata, integra, mundaque sint, & conserventur.

Sanctissimas Eucharistiæ particulas frequenter renovabit.